

非  
家  
中  
有  
此  
書

普安直隸廳志卷之九

食貨志

戶口

田賦

稅課

經費

積儲

物產

上古茹毛飲血民老死不相往來食且勿擇何有於貨自耒耜舟車之利興古風漸遠不能無需於財用後世聖人因量其出入制爲常經蓋其慎也普安居萬山中田少而瘠鮮佳產小民盡日勤苦厚植而薄收悉以其貨易家中所乏而自與父母妻孥終歲食粗糲民間食貨無足觀者

聖天子之於廳民可謂厚矣然則食貨可勿志乎是又不  
然今夫疾病之待治也夫人而知之矣其致之也有  
由而受之有其處醫者不能驟觀而盡識也勿以告  
則亦終勿治治民之方奚以異是官茲土者詳觀深  
計於戶口知民生之彫敝於財賦知物力之艱難於  
積儲念萬民之命於土產嘆百物之衰知必惻然有  
之

朝廷軫念邊民賦稅輕省而經費之制視名都大邑無  
少減以出準入歲三倍其數無已則挹之他省以注

動於中加意遺黎而安集撫字之卽催科而誨之大  
義籌所以爲生聚教訓者則簿書錢穀固良司牧之  
德政錄而懋賞懋官之券也卽生長茲土者亦莫不  
曉然於

君恩之高厚爰詔兄勉益有以動其急公奉上之良由庶  
而富由富而教比物此志也豈曰算博士哉志食貨



普安直隸廳志卷之九

食貨

戶口

康熙二十六年奉

旨裁衛歸州原額漢夷戶口三千一百四十三原額人丁

三千五百九十二內除逃亡人丁二千零六十五外

實徵差人丁一千五百二十七乾隆二十三年舊志

陸續增漢夷戶口一萬四千五百九十八滋生人丁

三萬九千零七十九乾隆十六年截黃草壩捧鮮等

處歸興義縣改州爲縣自咸豐四年經徇亂戶口凋  
殘人丁逃散尙未復舊

普安直隸廳志卷之九

食貨

田賦

原額民田科田七萬六千二百四十四畝九分八釐  
九毫四忽八微五纖八渺又乾隆三年新墾額外田  
八畝共額田七萬六千二百五十二畝九分八釐九  
毫四忽八微五纖八渺各則例科征不等內除荒蕪  
田三萬一千三百七十三畝九釐五毫四絲五微九  
塵八渺實在成熟並減則田四萬四千八百七十九



畝八分九釐三毫六絲四忽二微一塵五渺又乾隆  
四年起至二十二年止陸續新增田五千五百八十  
四畝七分九釐零三絲八忽

原額折色秋米三千一百四十二石八斗四升九合  
二勺九抄九撮六圭九粒一粟該折色輕賣銀一千  
四百九十四兩六錢三分四釐六毫七絲七塵三纖  
二渺內除荒蕪無征折色米一千七十三石五升七  
合九勺三抄五撮九圭五粒八粟無征折色輕賣銀  
五百五兩七錢五分八釐四毫九絲九忽七塵四纖

五渺又康熙三十九年以後新墾田畝題請減則無  
征折色秋米二百六十三石一斗四升三合四抄一  
撮一圭一粒二粟無征折色輕賣銀一百二十二兩  
八錢八分五釐二毫二絲二忽三微四塵二纖七渺  
實在有征折色米一千八百六石六斗四升八合三  
勺二抄二撮六圭二粒一粟有征折色輕賣銀八百  
六十五兩九錢九分九毫五絲八忽六微五塵六纖  
原額條編歲用銀八百九十三兩二錢一分二釐八  
毫二絲四忽八微八塵五纖六渺內除荒蕪無征條

編歲用銀四百九十二兩二錢一分一釐四毫八絲  
二忽二微六塵六纖實在有征條編歲用銀四百一  
兩一分一釐三毫四絲二忽六微一塵九纖六渺

原額馬館銀二千三百一十一兩七錢三分一釐二  
絲六忽三塵四纖二渺內除荒蕪無征馬館銀七百  
三十三兩九錢二分六毫一絲七忽九微一塵九纖  
四渺又康熙三十九年以後新墾田畝題請減則無  
征馬館銀五十五兩八錢五分五釐五毫六絲五忽  
一微實在有征馬館銀一千五百二十一兩九錢五

分四釐八毫四絲三忽一塵四纖八渺

原額夏稅折色小麥一百八十八石二斗五升該折  
輕賣銀一百八十兩一錢六分二釐二絲內除荒蕪  
麥糧一百一十石二斗五升無征麥折輕賣銀一百  
五兩五錢一分三釐二毫一絲九忽實在成熟麥糧  
七十八石有征麥折輕賣銀七十四兩六錢四分八  
釐八毫八忽

原額全征正糧銀一百一十八兩四錢又乾隆四年  
起至二十二年止陸續報墾陞科共征銀三百三十

三兩二錢八分六釐二毫零

原額徵丁銀三百一十兩

以上共徵地丁米折輕贖條編馬館歲用了差等項銀三千五百二十三兩八錢一分三釐五毫七絲四微一塵四纖內除免徵烏舍等銀十兩又除乾隆二十八年奉文撥歸安南縣輕贖條編馬館丁差等銀九十二兩二錢二分八釐二絲又除嘉慶四年奉文撥歸興義府管轄征收地丁條編輕贖銀四兩八錢一分五釐又除改征糧米銀二兩

四錢五分六釐九毫二絲五忽又除撥歸興義縣  
征收輕資條編銀九百六十七兩一錢四分八釐  
一毫九絲五忽四微一塵四纖八渺改徵糧米銀  
四百二十六兩七錢八分九釐七毫三絲五忽又  
除改徵糧米銀五百五十八兩六錢七分三釐五  
毫一絲五忽實在徵正銀一千四百六十一兩七  
錢零一釐實在徵耗銀二百一十九兩二錢五分  
五釐三毫

按此項批解藩庫

原額本色秋糧米九千六百二十二石九斗三升八  
合七勺八抄九撮七圭四粟內除荒蕪無徵本色米  
六千八百二十五石六斗八升五合四勺六抄八撮  
五圭三粒又康熙三十九年以後新墾田畝題請減  
則無徵本色米二百八十八石三斗三升六合四勺  
一抄二撮九圭一粒六粟實在有徵本色米二千五  
百零八石九斗一升六合九勺八撮二圭五粒八粟  
原額無畝本色秋米六十八石內除荒蕪無徵無畝  
本色米十石九斗二升五合實在有徵無畝本色米

五十七石七升五合又自乾隆四年起至二十二年止陸續報墾共徵米一百七十三石五斗五升九合六勺三抄三撮四圭一粒又自乾隆三十年起至五十七年止陸續報墾共徵米五十石零二斗一升零二勺零

以上共徵本色秋糧米二千七百八十九石七斗六升一合七勺六抄四撮三圭一粒內除嘉慶四年奉文撥歸興義府管轄徵收秋糧米五十九石零八升零六勺又除撥歸興義縣徵收秋糧米六



百四十五石八斗四升六合零五抄實在徵本色  
秋糧米二千零八十四石八斗三升五合一勺實  
在徵耗米三百一十二石七斗三升五合一勺實  
在徵正米七百四十五石一斗六升七合五勺實  
在徵耗米九十九石六斗六升七合

按此項除支發兵米廩米外餘米變價批解道庫  
又徵詳報逆絕田產租穀一百二十六石零五升五  
合

又徵賑恤田四百一十四畝四分二毫七絲一忽九

微七塵三纖七渺內除荒蕪田三百四十三畝四分  
三釐二毫二忽七塵六纖七渺實在成熟田七十畝  
九分七釐三絲九忽八微九塵七纖內舊轄賑田五  
十二畝二分八釐五毫七絲一忽四微一塵八纖六  
渺每畝起徵穀五斗新歸版田一十八畝六分八釐  
四毫六絲八忽四微六塵八纖四渺每畝起徵穀五  
斗五升共徵穀三十六石五斗一升二合八勺五抄  
七撮一圭四粒三粟

又徵學田一百三十七畝五分內除荒蕪一百零九

畝七分五釐實在成熟田二十七畝七分五釐每畝  
起徵穀六斗共徵穀十六石六斗五升連前賑田共  
收穀五十三石一斗六升二合八勺五抄七撮一圭  
四粒三粟折米二十六石五斗八升一合四勺二抄  
八撮五圭八粒一粟零除撥歸儒學徵收米五石三  
斗二升五合外實收米二十一石二斗五升六合四  
勺二抄八撮五圭七粒一粟

又徵在官田畝租米變價銀一百四十五兩五錢五  
分二釐此係南北二里帖站歲用二項原共穀七百

零七石八斗係各地方私帖里長陋規至雍正三年  
前知州洪奕隆稟請前巡撫石將此項穀石歸官徵  
收變價起解藏庫充公卽謂在官田畝至乾隆四年  
據州民郭崇周赴總督張呈請免穀徵銀飭前知州  
高騰蛟諭准將帖站穀每石定價二錢七分五釐歲  
用穀每石定價二錢三分共徵銀一百四十五兩五  
錢五分二釐

按以上各項均批解藩庫

又按光緒六年同知俞渭奉文議定以各花戶實

米赴倉平斛响攬搗收至離城寫遠之處花戶難  
於運米折銀上納定價每糧一石折收庫平庫色  
銀一兩七錢耗米公費亦照一七折收地丁每正  
銀一兩連耗銀公費共收庫平庫色銀一兩四錢  
均經稟覆各憲奉批允准當即勒碑曉諭永遠遵  
行

附錄貴州巡撫今雲貴總督岑毓英示諭略

爲嚴禁加收錢糧以蘇民困事照得維正之供本  
應徵納而亂後之民尤當撫恤本部院下車以來

明察暗訪得悉各府廳州縣徵收錢糧弊端如收  
秋糧市價每石銀一兩折徵二兩是加一倍也又  
改銀收錢錢價換一千六百文折收三千二百文  
又加一倍也復加以糧房票錢催差雜費又加一  
倍也如上實米除例徵耗米外另有地盤樣米尖  
斗尖升等項浮徵故上糧一石非二三石不能完  
納至收條銀百姓納銀到時則曰銀水不足平頭  
不足多方刁難或改錢折收藉稱市錢市價必加  
庫平庫色任意勒索以致每完條丁銀一兩加至

二三兩不等各省定賦之例雖有加收耗銀而查  
貴州田賦則例條銀一兩最多不過准加耗銀一  
錢五分秋米一石准收耗米一斗五升何至加及  
數倍苦累良民又聞興義各屬戶書糧差於百姓  
上錢糧時先勒索報到錢文出錢者給墨飛一張  
方准赴衙門上納如不先交報到錢文甚有延至  
兩三月不能上糧者種種弊端難以枚舉在官吏  
書差以爲民愚而我智即百般盤算無奈我何詎

知

朝廷設官原以保民若如此暴虐是蠹也非官也本部

院奉

命撫黔職在安民察吏斷不容此等貪污夙殃百姓茲本部院酌定嗣後完納錢糧無論秋糧條銀無論收銀收錢除例徵耗銀耗米外只准照街市價每兩加銀二錢每石加米二斗以爲傾工批解等項公費此次示後凡秋糧之地盤樣米尖斗尖升條公之橫徵勒收加平加水一切積弊概行革除倘再有書差仍前勒索呈控地方官不究者即係官與



書差同惡相濟許即來轅據實陳告定即從嚴參  
辦除通檄飭遵外合行出示曉諭爲此示仰廳屬  
各花戶人等遵照辦理

按貴州瘠苦甲天下年中經費恃他省協濟數十  
萬計即以普安言之文武廉俸公用歲需四千金  
營兵練軍之現存者亦七八千金賦稅所入不逮  
十之三均仰給於

朝廷夫

朝廷亦何利於黔特痛斯民之厄於土官援而起之俾

得同爲王人耳嘗考歷朝賦役而益歎

昭代之仁厚爲不可及也夫十一之制虞夏已然而築  
鑿菟獮人恒歲役六七日雨雪往來則倍之而征  
戍不與焉民且勇於趨事而歡欣鼓舞之無已迄  
今讀子來東山諸詩猶仿佛見當日忠愛氣象嗚  
乎義已漢興初定三十稅一而兵役多責諸民延  
及唐宋相沿未改明代編丁徵賦迭更其法而弊  
卒不清

國初憫明季稅歛之重以萬歷中徵冊爲準

聖祖仁皇帝軫念民依屢

詔蠲減康熙五十一年遂有

盛世滋生人丁永不加賦之

旨自後全蠲半免之

惠史不絕書視三代盛時且有過之黔中賦額獨屯田  
最重餘率數十百取一或二百取其一全省丁糧  
十萬金曾不如中土一大縣

朝廷豈不知黔之耗費多金即少加其額以紓他省之  
力因地籌餉多取之而不爲虐奚不可者顧惓惓

黔民之貧瘠獨視他省從輕黔民沐浴

皇仁如此其深且久也宜何如感激輸將乃隱匿延抗  
往往而有豈盡民之無良哉大義不明而父兄之  
教不先也宣揚

朝廷之德意勸導愚民而身爲之率當亦紳士所不容

辭者乎即告糧之案黔中爲甚

光緒三年曾定縣李瀛等告耗米兩

次劫

亦豈吾民之無良與官吏之不職哉劣生刁

棍藉端歛財所由來舊矣州縣膺

朝廷寵命冠帶坐堂皇稱父母官乃橫征無藝敲民骨

吸民髓以媚事上官邀遷擢恣意豪奢以快其家人妻妾是直民賊耳僅予參黜猶寬政也第尸書里差輩無役食皆倚糧爲活官之力不能以相給而又不能任其婪取也計莫如因其舊而量爲之制俾民與役兩相安可以垂久遠而無弊者不私庇不沽名如此則書差安書差安則民安尚何有紛紛告糧以上累長官哉弊去其太甚是在良有司耳先王立法嚴以治不肖而寬以待中人適其說者難以治天下可也豈惟書役而正本澄源則

先自上官始上官儉則屬吏無敢縱欲上官廉則屬吏無敢黷貨上官約束書僕則屬吏有以自贍而不至喪其素守治最貪虐一二人而舉其廉而賢者則屬吏有所懲勸而愧憤激勵之弗違大法小廉如風偃草道固有不責之下而責之上者昔湯文正公弑撫蘇正已率屬未嘗劾治多人而吏治丕變茲非其明驗歟蓋源清者流潔表正者影端吾未見州縣得人而書差輩猶肆行罔忌藉緡務以暴吾民也

又按屯田爲明初屯軍所墾略如佃戶之納租故其糧獨重厥後衛軍逃亡實去名存非復舊制

國家謫除軍籍盡以其田分給貧民

恩至渥也擾攘之際疆吏未及釐正仍前明舊額徵收

而務取盈焉故有一田歲收十石而納糧一二石

乃至三四石不一其弊與蘇浙官田無異黔民苦

屯糧之累破產鬻妻女以充官者殆不可勝計今

黔中田賦之目凡三曰秋糧曰科糧其一則屯糧

也秋糧科糧數十百取一屯糧則幾取其半多寡

懸絕大不平允非

朝廷意也通黔中屯糧不過萬餘金汰其額俾與秋科  
二糧等計所汰不過數千金

國家富有四海是區區者不啻太倉之一粟存之不  
見其益去之不見其損仁人君子誠留心民瘼齋  
沐入告

聖明在上定荷

矜恤一紙封章散作萬家霖雨較尋常善政直萬萬而  
無算詩云自求多福夫福何必求能爲民間造無



量福其爲福也大矣世有周文襄其人乎謹代爲  
民馨香禱祀以求之

普安直隸廳志卷之九

食貨

稅課

原額稅課銀一百八十兩零三錢七分四釐每季鹽  
稅銀五十八兩三錢二分四季共應解鹽課稅銀  
一千零一十五兩四錢七分七釐六毫又每季稅羨  
銀二百八兩零五分四釐四季應解銀八百三十二  
兩二錢一分六釐閏月加徵銀六十九兩三錢五分  
一釐三毫三絲三忽

按光緒六年四川鹽商以貴州稅歛繁重籲四川代請減徵四川總督丁寶楨與貴州巡撫岑毓英議就官運局一水引稅銀十兩歲解貴州罷各關稅及一切雜徵會奏著爲令

附錄四川總督丁寶楨貴州巡撫岑毓英會奏略

再黔邊鹽務上年改辦官運因黔省彫敝之餘鹽釐過重有礙銷路當經奏定每年由川認解黔釐銀六萬兩計每引不過攤銀四兩俾成本輕減商

販易於行銷冀可漸次歸復舊岸嗣開辦後疊據  
各商呈稱黔省釐卡雖已裁撤釐金由川認解而  
運鹽入黔經過各關卡徵收鹽稅及各項經費合  
計每引共須納銀四五十兩不等商力實難支持  
懇請咨商裁減臣伏查黔省鹽稅部定科則每年  
只七千餘兩惟地方向來瘠苦又經兵燹之後辦  
理一切撫綏善後事宜如各處舊設書院義學孤  
貧義助棲流所育嬰堂報資站費硝磺工本緝捕  
經費修河修路以及塘卡哨房等項經費均須籌

款羅掘爲難不得不設法徵收藉資挹注第不議  
裁革則本過重加以官吏需索書役留難各商畏  
阻不肯運鹽直入腹地銷售荒廢口岸終不能一  
律開通於川省引課既多停積亦於禁川復淮大  
局有礙若盡予裁革則黔省各項經費均無所出  
地方公事又無從措手三月間臣與岑毓英在赤  
虺晤面再四籌商並核算黔省各項經費每年需  
用實數計連稅銀七千兩每水引一道須共徵銀  
十兩始敷分撥議即於川鹽入黔之永仁綦涪四

岸接引總徵解黔一稅之後黔中各關卡概不准  
分釐重徵需索留難庶能涓滴歸公不致別生弊  
竇第此項收數雖較以前裁減三分之二必須出  
自各商情願始能照辦若商情稍有不順即不能  
稍事抑勒當飭唐炯傳集各邊岸商號到局公同  
妥議該商等深明大義僉以爲現議收數較前已  
減去大半黔省地本瘠苦不稍資商力地方公事  
亦難辦理商等具有天良豈敢不思急公遂各欣  
然樂從頗形踴躍今試辦兩月銷引較多鹽價亦

減商民毫無閒言並據各該商情願永遠遵守官  
運並現議稅釐一切章程辦理呈懇唐炯詳請具  
奏立案以資格守臣等查現在時勢艱窘官吏之  
浮收亟宜嚴禁而辦理地方一切亦實有不能不  
稍爲變通之勢但商情一有不便諸事即滯礙不  
行今鹽稅復歸定章而各項經費又照從前裁減  
三分之二又不受各關卡需索刁難商人暗中多  
獲便宜是以羣情大順爭先領運以期深入行銷  
使黔民得以食賤而黔省辦公經費有著不致動

形掣肘自可永遠遵行至徵收稅釐及各經費既  
議由四岸總收本應由黔委員辦理惟現屬試辦  
一切情形黔省委員或不熟悉現議仍由川局代  
爲徵收分解俾免展轉以免商情疑懼所有會同  
妥議黔省總徵鹽稅及各項經費銀兩商號樂從

試辦兩月均無異議

見四川鹽  
法志

附錄貴州巡撫今雲貴總督岑毓英示略

爲通飭遵辦事照得黔省額徵商稅正羨每年不  
過五萬九千餘百兩遇閏年不過六萬餘千兩自



軍務肅清以來核計每年報解不及一半以致庫  
款萬分窘迫今本部院商同四川督部堂丁將川  
鹽販運行銷黔省每鹽一引徵收稅釐經費共銀  
十四兩以助餉費之不足凡川鹽行銷之黔省地  
面無論何府廳州縣關卡概不准再行加收鹽餉  
稅釐分毫現經兩省酌定自本年正月二十一日  
起照章開辦設局於川黔沿邊四岸互相盤察填  
用連三照票發給商民運鹽行銷所過各關卡以  
及各府廳州縣地方務須保護不准留難如遇商

民被盜仍責成地方官查拏究辦若有鹽案坐視  
不理任意刁難或縱容書差磕索一經商民呈訴  
定即從嚴參辦至於向有關岸抽收鹽稅之府廳  
州縣一經免收鹽稅恐部定解款不能解足亦由  
總局所收之鹽稅自行彌補不累經收各員其餘  
百貨稅款亦應激發天良除留辦公外儘徵儘解  
似此通融辦理在府廳州縣各員既免賠累而稅  
款亦可足額實屬公私兩有裨益除會銜具

奏並行司局外合行通札飭遵爲此札仰該廳遵照



普安直隸廳志卷之六

食貨

經費

同知每年養廉七百兩俸薪銀八十兩門子一名皂隸十名民壯十五名轎傘夫七名斗級一名禁卒二名每名每歲各支工食銀六兩共支工食銀二百一十六兩教諭每年俸薪銀四十兩齋夫一名每歲支工食銀十二兩膳夫一名每歲支工食銀六兩六錢六分六釐門子一名歲支工食銀六兩馬草料銀六

兩照磨每年養廉銀六十兩俸薪銀三十一兩五錢二分門子一名皂隸二名馬夫一名每歲每名各支工食銀六兩共支工食銀二十四兩亦資孔巡檢每年養廉俸薪與照磨同驛皂二名民壯四名每名每歲各支工食銀六兩共支工食銀三十六兩

又文廟春秋祭祀每祭支銀四兩五錢先農壇祭祀支銀四兩春牛花鞭每年支銀五兩貢生坊銀三兩廩生膳銀一十五兩鋪夫四十四名每年四季工食並米折共銀二百六十四兩七錢五分二釐

按各官春夏二季養廉各役工食以及春鞭祭祀坊膳銀兩均係坐支地丁秋冬赴藩庫請領光緒九年藩司沈應奎通飭各屬不准坐支統歸庫發遊擊養廉銀四百兩俸薪銀一百五十九兩三錢四分蔬菜燭炭銀三十六兩心紅紙張銀三十六兩例馬六匹草乾銀七十五兩六錢守備養廉銀二百兩俸薪銀六十六兩七錢零六釐蔬菜燭炭銀一十二兩心紅紙張銀一十二兩例馬四匹草乾銀五十兩零四錢千總養廉銀一百二十兩俸薪銀四十八兩

零八絲例馬二匹草乾銀二十五兩二錢把總養廉  
銀九十兩俸薪銀三十六兩例馬二匹草乾銀二十  
四兩二錢外委養廉銀一十八兩馬餉銀二十四兩  
騎馬一匹草乾銀一十二兩六錢

普安營原額馬步戰守兵丁五百零二名內馬戰兵

三十三名

經制外委二名額  
外委二名在內

每名歲支餉銀二十四

兩米三石六斗騎操馬三十三匹每匹歲支草乾銀  
一十二兩六錢

步戰兵二百零八名每名歲支餉銀一十八兩守兵

二百六十一名每名歲支餉銀一十二兩米三石六斗

按營兵自光緒六年以來節次奉文裁減馬步戰

兵撥歸練軍

詳見武備志

現存守兵一百八十七名每

年由秋糧米項下支發京石米

按大小  
建算

六百六十

一石九斗八升





普安直隸廳志卷之十

食貨

積儲

原額常平倉穀二萬六千八百五十四石三斗七升八合咸豐四年賊起頻歲防勦悉以供軍中食用同治二年同知錢堦復城勸諭城鄉士民捐輸京石穀五千石存積城倉又於大坡鋪逆產項下每年撥收穀六十石八年苗逆巖大五圍攻廳城發新儲穀百支軍食顆粒無存今惟逆產租穀六十石按年存倉

光緒十三年同知曹昌祺奉潘中丞霽檄委候補同知張本閔來廳會辦義穀四里六營共捐京石穀八千零九十一石七斗六升

本城社倉存儲京石穀一千石

北里社倉存儲京石穀一千八百五十二石三斗二升

南里社倉存儲京石穀六百七十一石四斗四升  
平夷里社倉存儲京石穀二百一十八石七斗四升

樂民里社倉存儲京石穀三百八十五石四斗

狗場營社倉存儲京石穀一千二百五十一石零  
三斗八升

歸順營社倉存儲京石穀九百四十六石八斗八  
升

簸箕營社倉存儲京石穀三百六十四石

希黑營社倉存儲京石穀七百石

普陌營社倉存儲京石穀四百零一石六斗

魯土營社倉存儲京石穀三百石

以上城鄉通共存儲京石穀八千零九十一石七斗六升

按承平時城倉儲穀二萬餘石不爲不多矣自遭喪亂出以佐軍公費私挪不留一粟辛酉壬戌迭值奇荒馴至八月之變四里六營相繼淪陷而善安遂爲虎狼窟穴向使倉廩充盈有恃無恐人心旣固士氣自奮張凌翔雖狡悍安能遽得志哉維時殍骨滿目委地無收臭穢侵人蒸爲疫癘而逆回乘之老稚遊魂於溝壑丁壯畢命於戈矛懸民

劫運至斯而極痛定思痛不能無憾於當時司事者矣廳甫復錢伯雅司馬愴懷前轍亟諭捐輸故已已苗匪巖大五率眾萬餘人圍攻四十日卒保孤城轉危爲安城全而四境均免於難非司馬未雨綢繆則同治元年之禍將復見於茲也上年舉行社倉瘠苦如普安乃捐及八千石蓋不遺餘力矣邇來世變無常水旱疊告幸儲蓄之稍裕宜慎守以勿疎倉中多存一石糧可救凶年二命緩急有備宵小不敢生心非惟免飢餒之憂兼可避兵

五  
卷之十  
三  
粟之患則存倉穀即大眾之續命湯辟兵符也粒粒成玉顆顆皆珠吾知仁人君子必珍之實之愛惜而護持之而斷斷不肯輕視也果能公正便是陰功異日飢民胥蒙其福蒼蒼者亦必錫之福報以獎其公正之行並代飢民酬監守之勞何必散財濟人而後爲陰功哉倘有劣紳豪國恃勢侵吞快一己之欲不顧他人性命所得者有盡所枉害者無窮暗中造孽罪較殺人尤重彼劣紳豪國豈獨無天良乎意於飢民男呻女吟之聲愁苦悽慘

之狀目未之見耳未之聞故忍心爲之耳苟一思  
及凶歲情形當有食不下咽者雖舉社倉與之亦  
將逡巡而不忍受也貪念一萌天良盡昧小民愚  
懦無敢與爭賢有司猶將執三尺法以相責問向  
所侵吞耗於浪費勢且毀其家業逾數相償刑責  
幽囚有同盜犯身名俱敗鄰里交譏吁可畏也縱  
能欺蔽長官倖逃法網而究不能欺鬼神遠報在  
兒孫近報在自已冥冥中自有主張蕭瑀所謂地  
獄之設恐不能爲斯人恕矣從來不義之物適以



焚身天道好還理無久享而况奪貧民養命之源  
有不煙消灰滅者豈理也哉至於柔弱畏事之徒  
長厚有餘剛直不足往往明知人之侵吞而隱忍  
不問與徇人之求請而濫借無還均足爲飢民之  
害以財未入己之條例之實有難置身事外者正  
不得謂人濁己清遂可告無罪也有管理社倉之  
責者幸深味吾言毋昧昧然而不顧其後則善矣

普安直隸廳志卷之十

食貨

物產

穀之屬有稻有梁有黍有菽有麥有大麥有小麥燕  
麥菽有苦菽甜菽之類有豌豆有扁豆角豆有穉石稗  
有苞穀苞而生如梁雖山巔可植不滋水而生穀中  
有糯糯蓋熬屬苗中搏爲飯哺焉有蹲鴟即芋

蔬之屬有韭有薤有菘菘即白菜有薑有芥有蒜有茄有

芹有菠有蒿苣

果之屬有梅有桃緋桃無實有李有杏有橘有榛有  
栗有柿有梨有蜜羅柑有佛手佛手蓋椽類有綠有  
白菓白菓花不易見其花時多在子丑寅三時霎然  
有光有楊梅有葡萄有胡桃有橄欖有枇杷有龍瓜  
有木瓜有林禽有花紅有安石榴有郁李按白菓類  
民所尤多  
金石之類有銅有鐵有鉛有丹砂水銀雄黃硫磺  
木之屬有松有柏有枌有梓有椿有楸有杉有桐有  
櫻有元椎有柳有槐有白楊有土檀

竹之屬有金竹有紫竹有南竹有茨竹有滑竹有櫻

竹有水竹有藤竹有甜竹

花之屬則蘭蕙被於山谷中有菊有蓮有牡丹芍藥  
有桂有玉簪有海棠海棠有三種西府垂絲鐵幹也  
有鳳仙有蒼荀有木芙蓉有山茶有洋繡球有九心  
茶有薔薇有荆有辛夷有伽藍有茉莉有粉團有四  
季紅有剪絨有罌粟花時爛如雲錦數百里相屬可  
稱花花世界漿有毒害人不淺禁之宜

草之屬火草紫草秧草虎掌草鹿銜草獅子草有芭  
蕉有美人蕉惟蕨可食

鱗介之屬有鯉有鯽有鱔有鰻有蜃有蠃蜺

禽之類有鷹隼有鸚鵡有山雞箐雞秧雞有雉有杜鵑有鷓鴣有鶉有鶻有鴉有畫眉有鷓鴣有百舌有燕有鵠有鴟水禽有鳧鷖禽有雞鵝鶩鴟

獸之屬有虎豹有豺狼有熊羆猩猩有麋鹿

鹿之類今無

有麂有獐有兔有猴有猿有狐狸牛有野牛羊有山羊犬有山犬豕有野豕貓有野貓馬有駿者

藥之屬有前胡有小茴有黃芩有香附有桔梗有半夏有南星有黃精有木通有瓜蒌有黃蘗有茜根有

苦葍有玉竹有車前有花粉有常山有沙參有何首  
烏有益母草豨薟草五甲皮旱蓮草金銀花石菖蒲  
山茨菰蒲公英天門冬有槐角百部百合商陵紫蘇  
威靈仙有元胡索有鬱金鬱金胡索同一本

瓜之屬有王瓜東瓜南瓜葫蘆土瓜特多可以濟饑  
蔓之屬有葛有青藤有石楠藤

芝菌之屬有菌有雞蹏菌鮮肥脆美他產不逮醃食  
良



普安直隸廳志卷之十一

秩官志

官制 職官  
名宦 土司

秩官奚自仿乎昔者先王慮民之不能無爭訟也則設文職以平之慮民之不能無寇虐也則設武職以衛之職固有定守也而制則歷代各殊顧武職專統兵勤操練嚴緝捕盜賊潛蹤閭閻安枕斯能稱職矣若文職固無所不統也大之教化政刑小之簿書錢穀有一不舉是謂不職職乎職乎殆有未可輕言者



手雖然亦視朝廷之意向爲重輕耳兩漢慎郡邑之  
選百里之宰簡自深宮戚里之親不玷郎署故其時  
循良接踵萬民樂業自時厥後守令只輕至以老憊  
昏庸者充其職朝官之有罪譴者咸與焉而郡邑遂  
爲藏垢納污之藪人君高語安民亟責守令之盡職  
是猶使盜跖牧羊而望其蕃息烏可得也我

國家建官惟賢尤留意於親民之吏特用讀書人爲之  
更雜取他途之才而俊者冀盡收天下之人材而大  
爲斯民造福故人自奮於功名之路而政績乃卓

卓可傳衆母之贊史不絕書甘棠之陰祠宇相望嗚呼盛矣普安於古爲土司治地明始設文武流官卒苦於土司之強橫而莫能措手

國初裁抑土司出土民於水火而屬之王官旋併省衛所歸其民於文職而罷其兵嘉慶中州改爲廳升州官爲直隸同知並升都司爲遊擊而武職亦較尊於昔夫

國家所以優而崇之者豈苟然哉凡以爲斯民計莫實茲土者之無所掣肘得以克舉其職勉爲循良也然

則拜

聖恩之高厚挹前輩之流風宜何如激勵也而猥曰循分  
供職遂足饜民望而膺隆名哉志職官

晉安直隸廳志卷之十一

秩官

官制

漢屬牂牁郡爲牂牁太守有功曹

蜀漢同上

晉初屬牂牁後爲興古郡有太守

唐宋元無考

明有道員設裁無考有土知府有安撫司有知州及

正州判吏目

國朝文秩

嘉慶十六年以前

知州一員

學正一員

訓導一員

州判一員

吏目一員

亦資孔驛丞兼巡檢等一員

改廳以後

朱家民 道員

適恭

土酋那那妻 以下知府

普旦

適恭子尋叛平之

鄧伯成

永樂間首任 以下知州

陶文靖

萬縣人

張豫

華亭人舉人

簡浦

吉水人

袁甯

新化人

萬鈞

富順人舉人

吳德崇 豐城人舉人

錢綸 山陰人舉人

曹珙 祁陽人舉人

嚴績 烏程人

唐琛 樂安人

胡杲 墊江人

梁貴 星子人

劉良佐 馬平人

朱易 蘄州人

陳翔 湖廣人

黃雄 烏程人進士

沈天麟 山陽人

徐琦 常德人舉人

何思 通州人舉人

蕭鳳來 泰和人舉人

張璽 揚州人舉人

江校 婺源人舉人

徐世用 宿州人舉人



高廷禴 樂靖人官生

黃襲 新會人舉人

韓紹奕 龍州人

李濮 瀋縣人舉人

顏海熙 應山人貢生

李東華 豐城人舉人

胡桐 雲南人舉人

施繼述 雲南人

蘇兆印 南海人舉人

賴萬興 永安人舉人

樊芝 永昌人恩貢

劉永範 監利人恩貢

萬年佐 湖州人舉人

李伸文 秦州人舉人

龍時躍 秦州人舉人

侯思弘 上元人舉人

劉世範 臨安人舉人

朱國祀 壽州人舉人



楊極 無錫人歲貢

陳萬選 江南人歲貢

謝旻 武進人監生

金灝 昆明人舉人

洪奕隆 新會人監生

朱榮葵 正黃旗人監生

黃世文 福建人監生

王汝賢 晉甯州人舉人

王大烈 乾州人進士

胡珩然

山陰人例監

高騰蛟

甯夏人舉人

王遂

鳳陽人優生

王允浩

饒州人舉人

諸徐孫

會稽人進士

沈孟堅

德清人進士

鈕嗣昌

饒白旂人監生

陳齊襄

平樂人優生

周洪開

龍陽人拔貢

宋齊馥 商邱人監生

龔士模 營山人進士

牛思凝 靜海人進士

宋龍圖 長洲人監生

婁起鎬 會稽人監生

任宣錫 聊城人舉人

王粵麟 興甯人舉人

錢泌 陽湖人舉人 以上見舊志

張人龍 籍貫未詳

以下遺漏實多且改廳以後何人首任同知亦失考

陳昶 籍貫未詳

張嗣昌 籍貫未詳

俞日紅 籍貫未詳

崔本 籍貫未詳

蘇文紀 籍貫未詳

朱德燧 廣西博白人進士

張家樾 湖南湘潭人進士

鄧應台 江西人進士

韓澹 籍貫失考

舒文 籍貫未詳

陳熙 雲南人

劉之靄 陝西人進士

馮紹彭 江蘇人舉人

王兆俊 湖北人

張瀚中 陝西人拔貢

存杰 滿洲人

魯秉禮 江西人進士

桂隆 滿洲人



邵鴻儒 浙江餘姚人

朱右賢 四川人進士

李克勳 浙江人

毓琨 滿洲人

夏成業 湖北江夏人拔貢

唐錫齡 湖南人

葉如松 四川新繁人

錢堦 雲南昆明人

陳世鎮 四川筠連人

曹琅 四川邛州人舉人

李斌 湖南賓慶人

盧縈 雲南人

嚴鼎金 浙江桐鄉人

葉聯雲 如松子

孫潤 四川城都人

王正璽 四川達縣人進士

俞渭 浙江嘉善人

蔣尊典 湖南安福人舉人

裴良琨 四川華陽人

蕭得源 廣東始興人

嚴雋熙 江蘇吳縣人

謝廷佐 四川嘉定人

吳德泳 四川達縣人拔貢

余雲煥 湖南平江人

曹昌祺 湖南長沙人進士

學正

汪天液

籍貫未詳

朱復昌

貴定人

鄒以愷

餘慶人舉人

李祺

貴陽人舉人

傅天爵

貴陽人舉人

周庠

貴陽人舉人

越于震

貴筑人舉人

商傅

甯安人舉人

黃之驥

安平人歲貢

陳天錦

安化人舉人

周愷

綏陽人舉人

杜斯繡

大定人舉人

王修士

黃平人解元

黃天章

大定人舉人

曹維祺

貴筑人舉人

以上見舊志

訓導

邵如節 畢節人舉人

毛之麟 都勻人歲貢

周蕃 遵義人歲貢

劉玉山 大定人廩貢

歐陽和 永甯人歲貢

李士正 平越人歲貢

梅琰 安順人歲貢

戴珣 黃平人副貢

教諭 改廳以後

楊鳳臺 籍貫未詳進士

龔應照 黔西人舉人

吳鳳鳴 遵義人舉人

陳昌緒 黃平人舉人

劉起鳳 荔波人舉人

王輅 綏陽人舉人

張鈞 平遠人舉人

樓景湘 貴筑人舉人

周理 修文人舉人

張起鵬 黃平人舉人

宋光讓 甯安人廩生

白玉珍 鎮甯人舉人

胡鎮 清鎮人舉人

藍文燦 貴筑人廩生

趙克賢 平遠人舉人

劉光麟 遵義人舉人

孫伯高 修文人舉人

熊國政 安順人

喻時清 籍貫未詳

蕭森枝 貴陽人

劉漢英 遵義人舉人

汪人煥 貴陽人舉人

張樹莖 貴陽人

李樹義 遵義人舉人

州判

李曜

澄海人歲貢

齊襄

平樂人優貢

馮承烈

漢川人優生

向志文

長沙人廩生

王修士

三原人吏員

黃國謹

正黃旗人

周元滋

紹興人

鄭嘉忠

紹興人

侯世昌

浙江人

王瑜

紹興人

馬佩

濟甯人附生

章崑

永福人舉人

謝沛生

大興人生員

王雲嘉

慈谿人吏員

吏目

田貴蘭 清平人

毛良梓 掖縣人

馬沫 魯台人

葉經 榮經人

施廷文 婁縣人

王益 宛平人

蘇大綱 羅定人 歲貢

蕭在 平遠人

李之麟 蔚縣人 附貢

以上見舊志

照磨

雷揚廷 安徽人

呂揚廷 四川人

劉忠經 湖南人

嚴 官名籍貫失考

孫 官名籍貫失考

胡繼學 安徽人



沈培元

浙江人

吳守珍

籍貫未詳

吳賓燕

江西人

金銳

江蘇人

張紹曾

雲南人

盧德俊

順天人

陳元宗

浙江人

吳東山

四川人

周紹基

四川人

邱燧

江西人

張紹虞

雲南人

武鴻賓

浙江人

張炳奎

四川人

唐輝萼

四川人

方宜民

袁國樑

直隸人

康培鈺

四川人

汪元焯

陝西人

李光燦

湖南人

吳蘭賓

廣西人附生

亦資孔驛丞兼巡檢事

王楷

餘姚人

張紹禹

雲南人

武鴻賓

浙江人

張炳奎

四川人

黃宣藻

湖南人

陳從周

廣西人

嚴贊朝

四川人

孫晉

廣東人

吳豫

直隸人

張雲峰

四川人

梁祖榮

廣東人

俞振鵬

浙江人

鍾昌蕃

湖南人

龔明琛

湖南人

姚維城 安徽人

國朝武秩

遊擊 乾隆五十一年自安南縣移設

王志元 四川人

麻大勝 籍貫未詳

陳勝高 籍貫未詳

趙萬春 雲南人 狀元

劉佩珩 籍貫未詳

保芝驩 興義人

鐵柱 正黃旗人 進士

胡太平 廣東人

湯蘭亭 河南人

楊普 廣西人

賀朝岡 雲南人

鄧逢霖 修文人

傅得勝 貴陽人

袁寬 雲南人

林書紳 廣東人

韓林 鑲白旗人

音德亨 鑲藍旗人

長年 正白旗人

烏爾滾珠 滿州人

德俊 滿洲人進士

趙祖德 湖南人

胡現龍 即岱人舉人

李占鰲 雲南人

劉復禮 湖南人進士

易飛熊 廳人

余繼祖 四川人

熊得勝 四川人

董繼平 順天人進士

潘榮升 貴州人

張錦亭

黃平人

守備

武佑文

江南人

南天祥

陝西人

姚振邊

肅州人

張朝相

江南人

沙琳

雲南人

莊連科

興義人

唐起榮

籍貫未詳

竇彤

江南人

劉國泰

符縣人

周近仁

江南人

馬世祿

四川人

王發貴

廳人

梁應貴

籍貫未詳

張交

籍貫未詳

蕭起文 貴陽人

王有 雲南人

張鑫 雲南人

劉光興 湖南人

李上林 籍貫未詳

朱錫齡 籍貫未詳

盧奎 山西人

肇敏 籍貫未詳

趙發榮 籍貫未詳

楊普 廣西人

彭天相 直隸人進士

張占鰲 籍貫未詳

鄧飛熊 郎岱人

顧登榜 籍貫未詳

陳國泰 興義人

易飛熊

項秉智 廳人

董懷經 廳人

龍開榜

廳人

馬金綬

雲南人

陸圭

陝西人

謝雲卿

廳人

馬懷恩

貴陽人

夏魁元

湖南人

謝明岐

湖南人

千總

王國保

南籠人

鄧之耀

湖廣人

習文藻

湖廣人

王元

安順人

郝玉

安順人

劉文玉

安順人

楊國棟

南籠人

繆雲龍

雲南人

車步雲

貴陽人

劉勛

鎮遠人

楊開運

南籠人

胡繼宗

南籠人

張成

雲南人

黃純

廳人

李茂南

廳人

馬大勛

四川人

陳啟澤

興義人

顧登榜

廳人

賈連魁

廳人

項秉智

廳人

胡騰芳

廳人

沙春山

廳人

陶仁虎

廳人

胡兆

廳人

史連第

廳人

陳定元

廳人



方朝卿 廳人

馬仕俊 廳人

王秉元 籍貫未詳

佟繼榮 籍貫未詳

莊連科 籍貫未詳

周正星 籍貫未詳

唐起榮 籍貫未詳

梁應貴 籍貫未詳

莊席珍 廳人

張金玉 籍貫未詳

胡現龍 即岱武舉

魯學圃 籍貫未詳

張占魁 籍貫未詳

歐陽榮琳 廳人

何桂三 四川人

熊騰蛟 四川人

羅燮堂 遵義人

把總

蕭文玉

湖廣人

姜應周

湖廣人

劉明遠

廳人

謝遴中

廳人

余奮武

廳人

孟士聰

興義人

趙慶颺

雲南人

王相

興義人

蔣可正

安順人

向邦達

雲南人

夏璋大

大定人

史有才

雲南人

林友朋

興義人

蘇亮叙

雲南人

陳朋翎

廳人

顧洪猷

廳人

譚承勛

雲南人

宋萬全

廳人

魏國縉

興義人

王紹清

興義人

張貴

黎平人

林世貴

興義人

陶士爵

永甯人

鄧飛熊

張福德

籍貫未詳

張顯儒

廳人

張興傳

籍貫未詳

孫占元

安順人

萬延昌

籍貫未詳

張德鴻

廳人

熊玉發

桐梓人

郭彥彪

廳人

胡現龍

郎岱人

陳國樑

興義人

陳祥勝

湖南人

周玉洪

廳人

劉光烈

廳人武舉

何忠奎

廳人

項德明

廳人

蕭本中

廳人

莊有智

廳人席珍子

樂玉

籍貫未詳

莊存恩

廳人有智子

胡騰彪

廳人

楊大順

安順人

鄭爲樑

安順人

彭高

廳人

曾高

廳人

張發科

安順人

何大用

廳人

張興

册享人

王紀

廳人

夏延玉

廣東人

方恩洪

郎岱人

郭洪元

安順人

陸文伯

廳人

外委

熊玉發

即岱人

項秉恭

廳人

賈連魁

廳人

何宗高

籍貫未詳

史尙義

籍貫未詳

王德政

廳人

高金玉

廳人

葉文光

廳人

張文豹

廳人

何大用

廳人

章興周

廳人

劉慶德

廳人

蘇棟樑 廳人

按黔中之設流官自漢武始也隋唐降爲羈縻州  
普安不復知有王官五代迭爲僞朝所據趙宋且  
沒於蠻元建普安路廳境始有定稱時則有萬戶  
總管宣撫使司招討使司諸官土流并用廢置不  
常書闕有聞其詳不可得而考矣故舊志職官門  
斷自有明然自永樂以迄

國朝乾隆戊寅三百五十年中捧毛義之檄叱王母之  
馭者未易指屈而見於舊志者州官七十四人無

衛所官惟名宦志載指揮三人百戶一人十殆遺  
其七八而學正守備以降無論已老成零落案牘  
缺如則安邦彥孫可望吳三桂爲之也自乾隆戊  
寅以迄今茲一百三十年中捧毛義之檄叱王尊  
之馭者亦未易指屈而見於今志者十殆遺其五  
六教諭遊守以降無論已老成零落案牘闕如則  
逆回張凌翔爲之也賊將馬負圖踞廳城在同治  
元二年而闕失已若是况舊志作於三次喪亂之  
後哉乃今知官署之題名記非獨示賢否抑亦考

證之資也後有來者尙無忽諸





普安直隸廳志卷之十一

秩官

職官

漢

文秩

吳霸

陳立

張亮則

劉寵

景毅

以上皆太守

謝暹 功曹

蜀漢

馬忠 太守

晉

爨深

毛楚

李播 皆太守

唐宋元無考

明

同知一員

教諭一員

照磨一員

亦資孔驛丞兼巡檢事一員

國朝武秩

見制

普安營遊擊一員

亦資孔守備一員

存城千總一員

亦資孔千總一員

存城把總一員

劉官汛把總一員

上寨汛把總一員

白沙汛把總一員

存城外委一員

普安直隸廳志卷之十二

秩官

名宦

明

朱家民字同人

明史云字同人  
通志云字覺民

曲靖人舉人天啟二

年官安普監軍副使安普者安南普安二衛也是時  
安普及他處土酋乘安邦彥亂盡叛攻陷安南等十  
六衛家民率參將許成名等討平盤江阿野魯願諸  
寨苗於是相度險要於盤江江西坡板橋海子馬場

諸要害築石城五宿兵以衛民熹宗嘉其績皆錫以  
嘉名盤江曰連雲江西坡曰有嘉板橋曰靖氛海子

曰恬波馬場曰奏膚家民又於其間增築城六於歸

集築龍新城於亦資孔築資孔城頂站築鼎新城定

頭築定邊城尾洒築維藩城阿機築石基城廨舍廬

井畢備羣苗惕息道路晏然

今十一城在廳境者四  
板橋海子馬場亦資孔

是也家民又因盤江險絕江廣三十餘丈其深無底左

右萬峰峭立水性剽急不可以舟楫渡家民征苗時

嘗帥千人猝遇苗數萬騎遮逼宵濟幾溺既濟指水

誓曰武侯有濶滄江鐵索橋渡此江非鐵索橋不可  
吾異日不能爲鐵索橋以吾身殉既而苗平乃以萬  
金建鐵索橋治鐵爲組凡三十有六紐於鐵柱而繫  
之兩岸覆板其上兩岸建樓築城以護之經始于天  
啓六年崇禎三年橋成往來橋上者凌空飛渡無異  
坦途遂爲永利

陶文靖萬縣人宣德間知普安州裁決庶務皆迎刃  
而解時稱能吏

袁甯新化人宣德間知普安州廉介有爲時諸夷爭



地互相攻擊屢年不決甯力解之後以誣去官普民  
恤之

黃雄烏程人進士弘治間知普安州廉潔不苟每巡  
行裹糧自給絲毫無取又明察善斷從前積弊一時  
盡除

徐世用宿州人嘉靖間知普安州剛直不撓民資保  
障苗夷有不率者以德懷之遂遵約束不敢攜貳  
張瀾任普安州判才優政善雅重儒紳去之日民咸  
思之

王徽字尚文應天人天順四年進士除南京刑科給事中憲宗卽位數月與同官王淵朱寬李翔李鈞疏陳四事疏言自古宦官賢良者少奸邪者多若授以大權致令敗壞然後加刑是始愛而終殺之非所以保全之也願法高皇帝舊制毋令預政典兵置產立業家人義子悉編原籍爲民嚴禁官吏與之交接惟厚其賞資使得豐足無復他望此國家之福亦宦官之福也其冬帝入萬妃讚廢吳后罪中官牛玉擅易中官謫之南京徽與淵等劾之曰陛下冊立中宮此

何等事而賊臣牛玉乃大肆奸欺中宮隱退人情咸謂玉必萬死顧僅斥陪京猶全首領則凡侍陛下左右者將何所忌憚哉內閣大臣身居輔弼視立后大事漠然不以爲意方玉欺肆之初婚禮未成禮官畏權輒爲阿附及玉事發之後國法難貸刑官念舊竟至苟容而李賢等又坐視成敗不出一言黨惡欺君莫此爲甚請并罪賢等爲大臣不忠者戒臣等前疏請保全宦官正欲防患於未萌乃處置之道未聞牛玉之禍果作然往不可諫來猶可追臣等不敢遠引

請以近事徵之正統末有王振矣詎意復有曹吉祥  
天順初有曹吉祥矣詎意復有牛玉若又不思預防  
安知後不有甚於牛玉者哉夫宦者無事之時似乎  
恭慎一聞國政即肆奸欺將用某人也必先賣之以  
爲己功將行某事也必先泄之以張己勢迨趨附日  
衆威權日甚而禍作矣此所以不可預聞國政也內  
官在帝左右大臣不識廉恥多與交結餽獻珍奇倡  
優取媚卽以爲賢而朝夕譽之有方正不阿者卽以  
爲不肖而朝夕讒謗之日加浸潤未免致疑由是稱

音字屬元 卷一 二  
四  
舉者獲顯讒謗者被斥恩出於內侍怨歸於朝廷此  
所以不可許其交結也內官子姪授職任事倚勢爲  
非聚奸養惡廣營財利奸弊多端身雖在內心實在  
外內外交通亂所由起此所以不可使其子姪在外  
任職營立家產也臣等職居言路不爲苟容雖死無  
悔惟陛下裁察詔謂妄言邀譽欲加罪諸給事御史  
交章論救乃並謫州判官徽得貴州普安淵茂州寬  
潼川翔甯州鈞綏德奏蓋鈞筆也侍郎葉盛編修陳  
音相繼請留不納最後御史楊瑯言尤切幾得罪徽

至普安興學校教士始有舉於鄉者卻士官隴賜及  
白千戶賄治甚有聲居七年棄官歸言者屢荐終以  
宦官惡之不復錄徽嘗曰今仕者以剛方爲刻怠緩  
爲寬學者以持正爲滯活輒爲通爲文以典雅爲庸  
淺怪異爲古健其論治嘗誦張宣公語無求辨事之  
人當求曉事之人時官服其切中弘治初吏部尚書  
王恕荐起陝西左參議踰年謝病還卒年八十三子  
韋見文苑傳

王威六安侯志子洪武間承襲後降安南衛指揮調

普安衛築城建署有總理才

華昇普安衛指揮使在任三十餘年威德普著軍民  
悅服尋陞雲南都司

不帖傑安南所副千戶驍勇多謀常以計破賊及築  
南所城於楊那山民資保障

錢滿洪武中從沐英南征以功授普安指揮世襲駐  
安隆所居宮德濟以威士卒感畏

王震宇以征南功官普安指揮世襲恩恤撫柔苗民  
懷之

周伯通襲父黑黎指揮職以征黔苗功調授普安衛  
指揮使尋以治衛撫訓有方軍政肅著進都指揮使  
賜戰馬衣甲

桑英襲職宏治十四年普安賊福佑叛英率安隆土  
兵討平之叙功安隆所千戶





國朝

錢燠字伯雅雲南昆明人伯父某官山東布政使燠  
往倚之經筑垣以舊誼謁方伯某公方伯奇之止勿  
往因入貲得州判歷署大塘州判普安縣事同知葉  
如松奉委署安順府候代久不至稟大府請調燠代  
理廳篆時回匪倡亂何占標攻大坡舖催繳軍餉燠  
至多方籌解辛酉歲克賊巢占標索欠餉益急民有  
自盡者燠故與占標同鄉爲民請命久之乃許民之  
得免於練逼者燠之力也是歲大飢民相食次年亦

然堽勸城中富戶捐粟賑濟設厰施粥頗有全活七月回教二匪合衆上犯連克坎者荒田黃土坡諸屯寨城中大震堽集紳士議城守苦無越宿糧乃傳米戶至命市米盡出金銀器及衣二箱泣語曰兩年宦貲盡於此矣願易米以佐城守汝輩勉圖之城存汝輩亦有利焉無有應者閏八月三日賊長驅而至城遂破時黔筑道梗堽間道奔威甯請師貴西道鄧爾巽謂之曰賊勢方盛吾兵力不足以相及願徐圖之對曰鄉園中猶有同心請不己其太夫人哀之趣爾

巽濟師癸亥正月遣道勇五十名送之歸道出水城  
廳高家渡夷砦夷衆以爲賊也發炮石下擊一巨石  
中燠馬燠倒道上起視馬賊已墜萬仞絕澗下矣燠  
遣人說夷衆夷頑堅不聽過乃仍退威甯會拖長江  
圍首任士雄遣團兵迎燠始得偕至江上四月大舉  
復城燠督士雄自江上啓行西沖圍首陶正榮進至  
平街中炮而殞師潰返江上燠與士雄議兵貴精不  
貴多更懸重賞募銳卒百人乘夜襲城再至皆遇警  
不得入燠曰得毋我師有欲乘機肆殺者乎城民皆

吾赤子是不可不戒也爰諭衆禁殺衆喜諾立誓六月十六夜襲西門炮臺克之賊猶以死拒連戰二晝夜十八日陳斬賊首馬負圖及逆回數人賊遁走遂復城馬九一率敗賊返新城至坎者團兵出不意邀擊之俘斬十餘人餘黨返新城者纔二三十人賊氣沮自是不敢復窺廳城十九日壩入城安民祇誅營弁之助賊者城民幸壩之復來咸大感悅嗣是慰諭鄉團招撫夷黨廳境肅清壩懲前毖後倡捐義穀五千石存倉備緩急聯廳境爲十三大團以後兵力製

火藥器械以實軍需資防勦之用設義學四十餘所  
善後諸事次第舉行密而有理簡而不擾堽善馭紳  
團故事無不舉每警報至率輕騎偕左右數人馳往  
而別檄旁近團兵會於某地比至團兵亦至賊蹙則  
檄各團併力齊進常累月居師中與紳團同甘苦不  
避艱危以故人爭用命戰無不勝五年大府調署興  
義縣陳世鎮移署廳篆廳人德堽深謀所以留堽者  
聞世鎮與林自清有郟恐自清之犯廳境也益不欲  
令堽行而世鎮已至南里矣堽極言之莫能止陰懷

印挾一騎一僕隨走南里交印未十里紳團追至卒  
擁之歸且閉城門焉世鎮念城不可驟入思返省樂  
民里南里以團兵千餘護送許至郎岱而還白世鎮  
曰非敢拒公懼林自清也行抵上寨世鎮紆道往梅  
花箐易飛熊家而遣團兵歸宿三夕乃行故及於難  
六年春大府檄壩署興義府廳人不獲已聽壩行負  
戈爰從者二千人沿途士民擁馬首留餞日行一二  
十里輒宿民間供張徧及從行者日行二十里始至

興義縣

時回匪據  
興義府

居數月方集兵規復興郡屬從行

練有與邑豪劉官禮圍構釁者官禮率其黨夜鼓噪  
入城壩聞變踰城復至廳城旋補授威甯州知州晉  
階知府以壽終

吳宗蘭字菊莊四川邛州舉人官興義府知府同治  
七年署廳同知慈善不擾八年六月苗逆岩大五攻  
廳城三十餘日獎勵民兵竭力守禦民賴以安

鄧飛熊郎岱人官亦資孔守備忠而能謀無絲營習  
氣回變奉檄防勦屢建功十年何占標攻大坡鋪遊  
擊鄧逢霖委飛熊駐守海子鋪十月占標克華家屯



遂併力攻大坡舖賊窮蹙求救於雲南曲靖府回逆  
馬聯升聯升率黨來援夜攻海子舖營潰飛熊身自  
搏戰手刃數人賊衆大至飛熊知不能脫慨然曰男  
兒死耳不可死賊手遂自戕

傅得勝號心齋性忠勇同治二年從趙總兵德昌逾  
盤江勦興郡回匪偕前普安縣令陳宣波克復普安  
縣戰績卓著累保至副將三年春署普安營遊擊時  
回逆號匪分擾各里營得勝督師勦捕身先士卒甘  
苦共之賊望風披靡所向有功四月克播政獨山樓

下營諸賊巢遂踰五朋進營小友蘇以瞰新城五月  
二日輕騎走郊野相度戰地中飛子而亡屍失無獲  
紳民哀之葬衣冠於北門外鳳鳴山傅文溪公墓側  
歲時祀焉

按志者志一方之事也故謂之方志非是方事則  
削之名宦則官茲土之有名稱者非茲土官雖聲  
名洋溢亦削之舊志列方叔唐蒙諸葛武侯王然  
于段文昌侯璉王軾諸人於名宦竊所未喻南夷  
之通中國自蒙始蒙信有功於黔矣顧蒙官隸爲

都尉非茲土之所能有武侯南征大軍由越徭進

今四川建昌入滇道

未嘗一履黔地且大名垂萬古非茲土

之所得私明戶部尙書王軾平米魯之亂有功於  
廳人甚大然軾位台輔理萬邦尤非茲土之所敢  
私廳舊屬牂牁太守轄地廣遠幾盡黔之全  
境而兼有滇粵兩省地茲土亦不得私而有之至  
方叔王然于段文昌侯璉輩益風馬牛不相及矣  
興義志以蒙等非黔官別立武功傳以位置之通  
志有師旅無武功今遵通志擇諸人之有功於茲

士者入師旅門餘削之惟取有明以來官茲士之  
有聲稱者著之於篇以示徵實若云擯棄昔賢則  
吾豈敢

又按舊志載有明名宦十人而不及

國朝今志載名宦四人而不及咸豐以前故老無存傳  
聞失實姓名泯沒治行弗彰良可慨矣然如錢公  
之善馭紳團轉敗爲功傅公之治軍嚴整奮不顧  
身晚進能有幾人哉若夫慈心清節明決有爲抑  
豪團草陋規繼錢而起者亦自有人類皆見存正

如何水部文章清詞麗句難入蕭選搜羅補綴是  
所望於後來焉

普安直隸廳志卷之十二

秩官

土司

有孟越者居於廬或訛爲鹵越之後六傳至訖規居  
濮及烏濮即雲南之東川霑益烏即貴州之安順興  
義濮二十五傳至隆穆一作祝明以世代考之當在  
周之叔世隆穆娶三婦長觚君宜之女曰彌布生子  
二曰楷曰怯次義君能之女曰彌都生子二曰寧曰  
卧三布君蚩之女曰烏堵生子二曰克曰齊兄弟六

人各君一部楷世守烏爲白勒氏居大草今安順興

義諸土司之祖怯分於窄爲孟氏又爲蒙氏傳至孟

獲爲武侯所擒旋釋之仍長其部爲南詔安南諸土

司之祖賽分於盧今建昌雷波涼山黃郎波卜諸土

司之祖卽元羅羅斯也卧字君亨子孫遂以君亨爲

氏分於協又作赫古爲竇甸地復分爲烏蒙扯勒二

部烏蒙今昭通祿氏土司之祖也克分於密爲德希

氏卽烏撒雷益諸土司之祖也有安陸二姓齊分於

濮後分爲東川水西芒部三部東川今雲南東川府

又號爲兜主部芒部分自水西今雲南鎮雄州隴氏  
之祖水西分自東川爲德施氏十數傳至阿則一爲  
濟火佐武侯征南有功封羅甸國王

以上見黔西志夷譜

由此

觀之魯土營土司蓋隆穆長子楛之後世謂黔中土

司皆祖濟火誤矣楛之後無考元初有益智者有權

略善馭衆延佑四年授懷遠將軍曲靖宣慰使司掌

管普安路總管府事終於官孫那那襲職功陞雲南

行省參政仍領普安路事元季兵亂保障境內民賴

以安妻適恭明洪武十六年歸附授普山知府卒子



普旦襲二十二年普旦與越州阿資等連兵叛陷普

安府二十三年討平之罷府置普安衛以普旦弟者

昌爲貢甯安撫者昌故子慈長襲姦詭無良永樂元

年上言境地日闢居民稠密可歲輸糧三千餘石兼

路當要衝有湘滿等驛乞仍設安撫司爲便遂仍置

安撫司改貢甯爲普安賜之印置流官吏目一員隸

四川布政司十三年慈長謀爲不軌改安撫司爲普

安州初設流官隸貴州布政司領羅羅夷民十二部

號十二營正統初始以慈長四世孫隆本爲普安州

土判官其後遂以隆爲姓九年有功陞鎮遠同知隆  
本卒子壽襲厯者禮淵至文治子祖烈改姓龍崇禎  
間征毛口有功陞州同知祖烈卒子天佑襲康熙十  
八年歸附隨征吳三桂有功賜總兵關防天佑卒子  
元敬仍襲州同職傳子秉漢卒無嗣元敬妻祿氏以  
小嫌惡異母夫弟元吉妾抱故絕以地入流元吉叙  
功上訟會三江苗叛調元吉從征有功未經議叙染  
瘴死以其子健爲土舍雍正六年粵西八達苗亂健  
從征瘴歿妻姬氏撫孤德正代理土務乾隆三年授

兵部案行土弁趙世興承襲例呈請承襲制府張以  
曾改流未便

奏請第念龍氏兩世捐軀著有勞績予德正土弁委牌  
爲土千總管理土務德正卒無子以族子成麟繼大  
府命德正妻安氏協理土務成麟卒子躍襲嘉慶二  
年興義苗叛勒保調赴行營差遣叙功保都司花翎  
躍卒子汝馭襲道光丁酉選拔汝馭卒無子姪杓代  
理杓文生貌清俊志趣高雅大坡舖回變率土兵從  
征屢敗賊衆賊憚之杓故汝馭弟汝駒代理亦著戰

績汝駒卒于楹襲楹卒弟樾襲見存

